

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件广告宣传页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



鷗堂日記

光緒丙戌季秋
江陰金氏開雕

序

武祥既刻周昉叔都轉古近體詩四十五首其東滙
詞二卷介弟季貺太守先刻於閩中去歲哲昆涑人
直刺自皖寄其日記三卷云亡弟詩古文詞懶不自
收拾存此而已余閱之名言雋旨多寓其中爲刪其
繁瑣者畧加按語彙刻一帙顏曰鷗堂日記從其舊
也都轉於甲申解組後僑寓吳門遠歸道山涑老旋
卒於無爲州任所循覽是編益不勝聞笛山陽之感

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



丙戌季秋江陰金武祥淮生甫識

鷗堂日記卷一

祥符 周星譽 昀叔

咸豐五年乙卯

武祥按昀老是年三十歲居山陰賞村

正月戊寅初一日丙寅晴午後出門閒行重拈人字韻示寄公詩云廟場簫鼓賽新晴市柳搖門綠未勻押券舊道多酒債到門賀東半詩人自書小勝禳除俗預檢清遊報答春笑憶西清早朝侶馬蹄紅驟六街塵

初三日丁卯陰微雨晨起與寄公閒話寄公誦其友也顛和尚絕句甚有致爲錄於此亦無使其無聞焉詩云我昔山中居結屋雲深處喜得腳根牢不共雲來去

二月初十日癸卯是日爲余三十生辰設飲款客爲竟日快敘子九寶蕙尊客琴子春臺半厓至夜分始去藍叔孟調仍留宿齋中

十一日甲辰陰子肅季貺招作柯山之遊同藍叔孟

調泛舟赴之先至七星巖新築一亭一船室頗宜遊
憩登八卦臺望湖南山雨後濕翠潑面桃花千餘樹
高下掩映如霞城錦障湖光返照遠近皆紅洵奇觀
矣迴舟詣青蓮院是祁忠惠公寓院故址公子奕喜
捨之爲寺者寺枕寓山之麓引湖水帶其中屋皆跨
水而起公園記中所云半以山勝半以水勝者猶仿
彿見之惟三十六勝都無一存舊尙存四負堂奉公
遺像今寺僧靜馥移寘寺門而以堂爲奉佛之所堂

額遂毀諸君嘆恨不寘借寺僧方丈寘酒飲至日入
乃歸

十三日丙午晴晏起連日疲于談讌午窗寂坐殊少
清氣繙書作字意都不愜獨行階砌閒看春草不覺
躁悶盡釋

十五日戊申晴課小奴種花 得琴子書知賊由石
埭進逼歛之新安江徐鐵孫觀察接仗兵潰投水殉
之觀察守吾鄉時予曾有一面之識身不滿六尺温

温呐呐若無所可否不謂能毅然引決如此聞戰時
所領卒已四走觀察單騎赴敵疊被鎗刃乃投漁亭
水中嘻烈矣觀察善爲詩性愛才常若不及曾于臨
城驛見予早歲題壁詩嘆其工爲詩記之有老子生
平無此句江湖沿路訪斯人之句并予詩俱載懷古
田舍集中予題壁多不署姓氏故觀察終不知詩爲
予作也觀察已矣每念知己之感爲之泣然因附書
於此武祥按懷古田舍詩乙北集爲乙巳年作有發
河間府二十里鋪憶壁間詩不置七律云城牆

親拂隔年塵意外相逢眼爲新老子生平無此句江湖沿路訪斯人迷離入夢猶詩境歷碌驅車又旅塵日日風沙星露裏與君一樣歎勞薪附錄拜夢生題壁詩云暮烟茅店駐征車滾滾驚埃日易斜詩壁拂塵鈔賸草歌錢隨例乞閒花客愁入夜常依枕短夢驚寒未到家苦被雙羸催促去又披星露踏風沙

晚後登舟赴富盛掃墓寄上人聞富盛山水之美附

載往遊雨終夜不止傍曉頗寒

十六日己酉方曙雨止舟抵富盛登岸至水口菴小憩覓肩輿入山宿雨初霽山翠如滴溪流衝激殊爽人聽山谷間雜花爛漫深紅香白多不知名至摩釐

陘拜曾王父墓墓前松徑里許徑仄僅容一人輿行
其間巾袖皆碧雨後香氣極清尤爲此山最勝處下
山至下茆蓬拜王父墓復至唐城五鳥灣拜太恭人
及庶母韓孺人殯宮天已嫩晴輕雲薄日春意暄美
遠近諸峯掃空而出重青沓翠直至目力無可追處
而止寄公謂此間山水幽窅不及雲門而秀過之信
然 回船風起頗寒薄暮抵家 季貺移山中小松
稚柏皆可三四寸植之盆中殊饒幽致

十八日辛亥晴晨起至庭前看花忽憶今朝是寒食
拉季貺出門閒遊風日暄美田中菜花盛開矣

十九日壬子微陰天色極和今日清明同季貺赴郡
過倉橋沈寄颿書肆遇余曉雲及楚北孝廉褚玉笙
者遂拉予兄弟同訪雪甌至則雪甌方自賞邨訪予
不值歸留客喫麪作書迎蕤客來曉雲興極高欲遍
拉社人作竟日遊于是檢點遊侶已得七人矣途遇
韻珊方市物遂強邀之共詣孟調家孟調適他出因

共入齋頭索茗屋窄客擠多有踞高几坐者少選孟
調歸亦刼之同行往貫珠樓尋子九則寶蕙琴子均
先在矣何楚茫年丈亦來合主人計之共得十三人
而無意遭之者居大半亦春遊僅事也草堂中座爲
之隘笑語聲闐然震屋瓦主人供飲茶具至不能給
入春來友朋合并之樂未有似今日者談至薄暮楚
丈褚陳沈三子以事先辭歸寶蕙邀同人往大路酒
肆夜飲過滑橋與諸君相失抵門始遇之琴子已遁

去矣八人登肆樓泥飲曉雲述戊申譙遊事謂狂情
豪態彷彿今日而無事之樂則遠遜昔年他日不知
復得歡會如今日否因舉酒遍酬座客舉坐皆欲獻
久之酒散皆醉共扶攜過茶肆小憩乃別子九曉雲
寶蓋孟調分道歸子與蕤客季貺皆至雪甌齋中季
貺亦以婦病返邨留者只三人而已雪甌煮蓮實小
奴烹茶以佐夜談遂達旦不寐

二十六日己未陰夜間琴子來招余渡江會鐵老之

喪因附舟同行寄上人附載爲西湖之游

二十七日庚申兩午刻抵西興冒雨渡江東北風甚駛不炊許已達螺獅步矣入城寓洋市街

二十八日辛酉陰訪耆仁試甌

二十九日壬戌陰午晴偕耆仁寄公登吳山過解神廟茶肆茗話坐處正面西陵風帆烟樹歷歷可辨窗
前碧桃二樹經雨盛開吟賞久之琴子述去春花時
曾與季貺同飲于此今日之遊頗恨少季貺也正劇

國朝詩話 卷一 五
談間忽平子蹤跡而至拉之出門遍遊諸祠宇由紫
陽山取徑而歸

三月初一日癸亥陰出清波門弔徐氏之喪

初二日甲子陰偕琴子聯騎至南庫房已刻抵靈隱
寺寺門正對飛來峯翠鏤玉削巉刻萬狀卓立拱衛
如列屏然冷泉出石竇中注爲大溪時積雨乍晴山
水四下泉勢怒若奔馬離寺數百武已聞泉聲夾道
皆松篁槐檉交柯接葉翳不見日馬行樹陰中尾鬣

俱作淺碧色偕蓮舟琴子先入僧舍索茗小啜已卽
出過冷泉亭觀瀑奔雲濺雪若欲裂山而下者相與
據磐石上攬襟冥憩躁妄爲之一洗寂坐約半時許
始起過一綫天巖洞大若九楹之屋呀庠虛巖狀類
覆釜鍾乳下滴衣袂皆漬陰晦至不能步尋所謂一
綫天者絕頂壁上小穴如錢日光下漏纔可一綫俗
傳光中有佛象鬚眉可辨云擬一游天竺蓮舟謂遠
不逮此處之佳遂迴轡赴聖因寺雨後遊人不至寺

門聞然入至攬勝齋小坐遲子仁寄公以寄公約至此相待也少選俱至乃遣輿騎歸偕四君至詒經精舍看牡丹已半殘矣竟日未飯飢甚遍叩酒肆皆不開乃買擔頭餛飩白酒坐陸宣公祠階石上飽啖天色向暮至平湖秋月覓舟不得步行過段橋遇二瓜皮船分買之抵湧金門足力甚憊獨雇肩輿歸寓

初六日戊辰刻大雨午後偕寄公琴子東歸雨後江水極溜風稍逆未刻抵西興至驛前買船赴縣城

中馬埠訪藍叔平子嘯篁二鼓解纜

初七日己巳雨已刻抵家

初九日辛未雨竟日靜坐壽潛室作畫甚適閱素人日記說理數則極有神悟天資高妙我不如也此君見地都在最上一步倘不爲人事網蔽他日入道必較我精進

丁藍叔新於齋前鑿池作假山字之曰大碧屬予爲銘銘曰養雲不腴浴月能活翠定山心墨涵水德伊

人宛宛著書其間贈君萬古仇池之天

四鼓潮來獨與平子步過潮神廟立江塘上遠望隔
江烟樹悽迷欲絕江聲怒至人語在積霧中嘲雜不
辨殘月低山曉風盪岸不覺憶長年作客時爲之悒

悒

四月初六日戊戌晴以昨所得潤筆真酒食買小舟
往青電湖觀競渡晨起偕季子解權念無與遊者乃
先進城拉雪甌雪甌方與客飲齋中已半酣矣促之

同行至興教院訪寄公借齋廚作食食罷登舟出青
電湖香帘畫舫團扇輕衫簫管兩頭綺羅百隊越中
遊事春盡後此爲最盛矣偕諸子過安隱寺遊人如
蟻天氣又酷熱乃返權出霞川橋擇樹密處泊焉登
岸借人家坐具解衣縱談綠陰送涼肌骨頓爽遙望
湖心遊船織逐繡旗彩仗掩映湖烟山翠中亦勝觀
也

更殘籟絕閉門獨坐日間所厭見之人厭聞之事一

皆不至卽素所願見願聞者亦復思之不得一燈晃
晃靜與夜氣往來冥坐對之覺此心曠然初無著處
惟記明日尙有飯喫樂不可言 喫飯原是人生一
最無益事所以急于謀食者亦謂不食便要餓死餓
死後便溘然與草木同盡不能勾當自家本分事耳
人但有一日飯喫便當趁此不餓死時向自家身心
性命用一日氣力如今人營營擾擾終日徵衣逐食
甚至亡廉喪恥欺心昧己以博一日之溫飽由其心

中只有喫飯兩字並不會向自家本分上一想喫飯已飽愚者袖手高坐與妻妾道家常弄稚子小女過了一日黠者博奕飲酒近婦人否則奔走官府爭田奪舍凌躐等輩而已如此輩人反不若田頭老農捫腹看青天心上混混噩噩尙是入道之器也今日有飯喫便想明日明日有飯喫又想後日三萬六千日中心口耳目手足只以供喫飯之用爲佐喫飯之具將我與飯分明看作兩截合作一事究其初意亦只

是怕餓死試問不餓死便如何耶真是大可笑事

子嘗與平子論古今名流性情學術雖各有所近然其源終不外乎清之一字因就同人中評論之頗肖

其爲人兩窗夜坐漫記于此許夢西清遠孫子九清

和周雪甌清豪孫蓮士清超李尊客清剛陶琴子清

真王平子清雋家素人清奇李貺清爽

後有凍人跋云然則叔雲

吾弟是清麗也武祥按凍人直刺名星
鹽舊字素人癸卯舉人酌老舊字叔雲

偕平子散步過畫師任渭長家渭長工繪事花卉山

水美人靡不工者年纔三十許所詣已高絕今之傳
人也 渭長爲平子畫案頭清供囑予題絕句云樺
燭風簾月氣深看君醉墨灑溪藤只餘一事添惆悵
欠寫花前食酒僧 渭長乞予畫扇醉中走筆寫水
仙靈芝口占五古書其上云君自畫君畫我自畫我
詩我眉自能顰不能效先施造詣雖不同各抱千古
思清氣孕肝膈卽物皆吾師濯我塵土筆寫君冰雪
姿娟娟採珠人蕉萃荒江湄我欲招之來貽以雙紫

芝相期宛洛間耕烟驂青螭結佩貞歲寒此意君倘
知

十五日丁未晴素人兄歸以今年日記示余古文益
精進矣夜與素人季貺談各出別後工夫見解得際
處相質元情與理紬繹靡盡夜愈靜談愈妙偶回首
見窗紙微白猶疑爲月旣而晨光入戶始知達曉矣
是夜竟不聞雞鳴

十六日戊申陰天甫明偕素兄季貺出門至野田中

行散望郡東諸山清潤可擷遙林曠坂蕭寥無人素
人因論人早起得清氣多每少病此語殊有理歸舍
季貺歸寢余復與素人談每至佳處輒恨平子不在
側無與賞也

十八日庚戌晴送菁林解纜時已四鼓坐樓香室淪
茗清話月影正中四窗如畫流連不忍卽寐令芬問
善惡報施有驗有不驗嘗見有人爲善不報反致困
阨往往激而爲惡此人如無善根不應好善如有善

根何以好善之心不堅其說安在予曰此人心中只有報施並無善惡其爲善也只是欲動于報施耳譬如秀才窮經意在科第商賈販賣賤牟利而已規其爲善之心與殺人攫財之心更無分別以自家有限之善責上天無窮之報是猶富人放債倍息取償其初心原不是紆財仗義也殆至要挾不遂激而成惡固自必然之勢矣此人于善並不曾好何有善根乎 爲善最樂樂字最有味舉天下聲色貨利富貴

壽考無有樂于此者更何降祥降殃之說能動其方寸耶有所爲而爲與無所爲而爲非特境詣不同要知兩人心上苦樂亦相去萬里

二十日壬子晴放舟往柯山遍遊七星巖諸勝諸人中惟予與尊客已屢至素人雪甌皆初涉搜奇剔幽遊興甚勇地主沈生設茶款客讀尊客題壁詩咸嘆其工憩息半時許放舟至寓山青蓮院午飲風日甚炎就丈室後徑竹深處納涼擬一遊舟山九峯寺恐

日暮長年又憚于操舟乃改議往柯亭漁養以事先
歸四君與予回棹過修塘禪院令寺僧導遊柯亭亭
枕官河予輩終歲往來其下未嘗一登也亭屋可三
楹狹直如土街更無曲折處殊不耐之遽行至中梅
與諸君別歸賞邨今日溯青電湖道湖雙曇礁諸邨
皆南湖最勝處山水平遠秀潤一改雄傑之氣明媚
若美人偃蹇如高士一邱一壑一邨一墅無不幽勝
晉賢謂山陰道上應接不暇非身至其地固不知此

語之工也

五月二十五日丙戌小暑晴申刻北風甚大遂雨有
雷傍晚霽同寄公季貺出門看荷花行田埂上雨後
泥滓失足落水田中雙蹠皆沒不覺自笑從種花人
周姓乞花三枝蓮蓬一枝歸洗足早睡 鄉人種藕
以不花爲豐年蓋藕力盡洩於花花愈多則藕愈瘦
今田中彌望如雪爲我曹吟賞計甚得矣鄉人得無
怨乎 種藕之家藕爲上利葉次之蓮子則不賣賣